

身之法可以意量肯食金石之藥輕身飛騰
甚失見也

第十條陰功雜言真人行陰功及師弟行陰
功之德

金鎖流珠引卷之十八

金鎖流珠引卷之十九

言九

中 華 仙 人 李海風註

六甲陰功下之下

老君告東來子曰註東來子是為之子學道

不行陰功唯行陽功心巧好造樓於空野
之地上像道家形影欲將此為一生之德欲
乘此功德圖身得道稱我造十萬餘功合符
大仙一旦忍二冥使追赴太山門下被問何
因注造臺安救生命祭於川野之鬼牛猪羊驢
數十頭足而言汝也汝答承伏殺他我即出
汝之罪若不伏即當禁身貴問為汝父理水
有功今為太極真人不可見受殺生之罪我
當為汝滅父之福以當救汝得救當歸世俗
作陰功過度他生命即得成人百劫千主不
復來寬命也註來子應曰承伏罪推官果與諸
太山君君放即運死經七日而復活後常以
直心不害物命常以已財帛贖命死者生命
故之無限往往如此或以人禁繫鳥獸常行
歡心令放或以施食及衣於禁獄之囚如此

三十年間先救者牛羊猪驢馬畜等總記生
為人永無怨對如此之小功若上感太上老
君示見正說陰功行步履天地綱紀之法施
此六甲之功一旦忽通神威感天地驚動人
物仙人也老君再降賜告大陰功卿立身先
是好起樓臺殺生祭祀神鬼將此以欲治身
求真註其前註既因冥使告知今心知悔過今
當正教子著陰功功之有十一則服六甲真
符以治身疾二則真心不損不害不殺不傷
不邪不淫註自有妻妾不令妾更使淫他人
也註不妄不佞不盜去九等之惡為九等之善
一慈二孝三心有敬四身有禮五行仁德六
少言語七不為人之先註已雖大於彼人亦須
先讓也為先不損於己之德也八不妄害鬼
神九常懷學道得道後救度一切人物註昔
嚴清常以燒炭賣與貧者減三錢四錢一秤
或以見之者與之一秤二秤如此三十餘年
一旦有五女下授十卷符籙六甲為先令清
跪受一分付教以修行六甲符籙對曰清
不解書玉女曰猶解九等陰功何不讀書學

書取識文字書但得成即得於是清便讀史
書不識文字玉女教之不能書玉女教寫知
此三年成書學滿腹問無不知聖也常行救
治百姓疾病之功傳出弟子皆以治病為事
時既曰辰若之道後聖君告天師曰卿為師
行教弟子行陰功者有二註一師須明弟子
心二弟子考於師一師先明弟子有心无心
有信无信註今時多有弟子有口无心若此
等之人切不得輕信傳事須信重他心不可
頓辨得辨得即師亦无夫即可具傳小法一
階若是志心好樂仙道日夜思道樂真丹懇
供辦師量事依科中一一減信以行陰功二
弟子日夜知信心真直常陰念道孝師師亦
感通常示見弟子弟子呼存行用立驗應於
弟子心口所為皆遂除三逆之外隨意所欲
註一不逆君言二不逆父語三不逆師教此
三條是天師法授玉長趙昇語訣行告弟子
又告天師曰夫與人陰啓至道至尊得達者
是名心願啓善利人是名陰功而名行陰德
天常善之後子孫繼代仕宦不絕註善啓故

病拔度災厄但行善事凶惡不為常心行濟
國救人故名善事而功德成就白日昇仙也
若啓願凶損物害人若啓至道至尊雖應終
不大通行弄啓得行人損物是名陰謀而
名行陰賊天常惡之後子孫必有疾絕註縱
有子孫不絕亦是疾病无官無職而為下民
也吾此言再授卿知令卿須係代為師而教
後學勿為惡願皆須常善言註聲教為善言
心行為善願也善願為上老君告北斗真公
曰夫人行陰啓註啓善言善願願除妖辟惡
口舌厄疾中有人鬼名不欲人間者可以陰
啓奏低小聲讀之勿令外人聞恐為所說
入一人之口出百人之口不可令聞為天曹
未知人道要傳以為惡對神鬼所知恐於雲
中及聞天門三所為勢力神鬼所截聞奏不
允達於太上御前註下天曹下卿須急與關
奏上玉皇若待地府二符俱來而被怨對怨
炁及陰官地府故炁共為所截不御達也卿
須勿待陰陽二符註符吏也夫人以順事關
章表關奏之言音調聲律言語高響欲人所

知即集地府及法錄中吏兵眾差陰陽神六
甲中二直符先啓北斗君北斗君轉啓關奏
君方始達章於天師君老君時天師君號釋
師佛時帝釋是也後聖改此位為天師姓張
名陵天師君署訖只御達太上御前中理
恐為天地水三官妄以前奏云某乙奏章有
妄太上无極天運太上老君後聖玉皇上道
君等二聖不與允達順慎之所以置於陰啓
奏關之科老君告妙行真人曰註妙行有人
人正妙行姓真名定先夫人學知十等陰功
於人物之者得此門長存行之不逾五六年
間便得神道與通得通神之後唯以善救人
物人物積受其恩漸聞天曹事與關奏太上
太上喜之一一聽與御諾天司便注言功於
仙籍功滿三千太上給以十直仙童十人註
日得一人玉童二人玉女真官一人從官隨
日人數直符二人十二直玉女十二人註日
二玉女直一人與錄陰功一人與外人物關
奏行通啓章表之事聞天曹便轉與關奏太
上御前真官一人註甲子即王文卿乙丑龍

孝卿六甲中用周而復始元極於六甲中從
 官隨日人數當直以依日呼其名而使之應
 道存而所用无犯也註使應速即无所犯不
 應道使之即犯科律也直符二人註當行直
 日之符以救人物之疾苦也當直修行六甲
 陰功之人輪轉無闕又無犯者註犯者妄行
 用害人物妄言或人令以淫祀六甲陰功玉
 女六甲君此斗君大真君之反以為禍禍人
 此名狐假虎威之義或人求財其罪兩及一
 為或人大罪二被或人之心身本无厄疾矣
 ○於此斗所求即云有厄此矣天地之罪被轉
 天關之神真入姓祀因轉關之次便轉手指
 本生宿星此人便却招罪受病誠算注入邪
 道如實有災厄修行亦須依此斗儀不得妄
 為亦是有祀也一一計得陰功滿便仙也後
 聖君告天師曰六甲之陰功可大功也夫天
 地間萬神皆六甲君之部使也使之功理正
 直行於天地間人物慈心愛敬施法惠恩流
 福潤及於蒼生而稱善行用神靈有功不殺
 不害不妖不妄此名陰福流濟註或符術治

病或決龍行雨千州萬鄉濟渴邦國百姓歡
 奉人物俱安其功可大功也千州萬民歡泰
 功積山嶽非卿一身一家繼代得福仙也使
 之不依經師偽行妖妄令人淫祀天地星宿
 其罪反招滅算奪壽彼此俱被責罰夫正一
 之醮自有儀出三元註天師口訣告王長趙
 昇曰夫正一之法起自老君老君秘此法於
 天臺次經劫數歲後再出說為復聖君從天
 降下授吾兼賜授科儀三會醮酒供養如世
 之社會也如軍有設也皆須依時失時不可
 ○別日醮醮即失科也可為天地三元一元得
 一日為社會太上老君後聖君許以此日禮
 樂三元五行六甲七星九靈九精二十八宿
 三十五官四十九官百二十官將等領天兵
 百千億萬領星萬像星是此日降會散齋皆以
 醮醮得福於身家身及下元五穀四續社廟
 土地靈官得醮醮主人受福若非此日妄為
 醮會或稱本命或稱甲子或言四時八節皆
 為醮祭用燒錢財此入淫祀則鬼神野神妄來
 就食正一之神星宿之神都不來降唯身中

符神三將軍在身者得食在天地者不得來
 降食即大怒反損其身何更欲求福德師為
 吾之弟子慎勿為此若不依水以失道及損
 身家慎之醮祭須依科行萬無不合天地水
 三官之神使令得道之力若不依永招非橫
 即名陰災註災禍之別名昔有人常行淫祀
 得罪分明何更覓其功德卿須知之分明教
 授正一三元法錄弟子勿行淫妖妄惑世人
 但依六甲之功自然得道不失
 老君曰此名六甲中十陰功也修行之人得
 而寶秘勿泄但依此修奉自然得道
 六甲靈書陽功
 又有六甲靈書說陽功有十篇故書之十訣
 略記其名註太上老君傳中具說也
 一是廣起因緣集社眾造土木樓臺觀舍積
 功千萬謂之陽功不入陰數後聖君曰此人
 結集社眾造此功夫來生得為任身有財及
 高堂舍居子孫富而元貴
 二修齋誦經功積萬遍此名陽功不入陰數
 君曰來生聰明耳目清正有善男女孝順有

官

三勸人行善令人布施捨財千萬此亦陽功不入陰數君曰來生為人之長為肉食人眾之首子孫繼代為之

四行心捨力廣造土木結架殿堂嚴列山路此亦陽功不入陰數君曰來生得為男身有官職富有奴婢人力驅使二代不絕身反即更不如前生大道忌此心

五鑄造鐘像功結神仙像現世人一時之善此亦陽功不入陰數君曰來生能歌唱亦得端正身而財食之少

六能讀呪辭閑安呼誦揚聲高叫叱罵鬼神雖救及人亦是陽功君告天師曰此功不得平出於身而雖救人為叱罵多故來生少病而乏子孫

七路川開井施水及漿此亦陽功雖施惠往人合陰言功為往來云某乙造井君曰此人後代子孫受羊陰功自身陽功託化為善惠給急乏之人

八因官借力救拔人罪亦為陽功君曰來生

得福或此生得報善陽功也

九造建橋梁往來通濟亦為陽功君曰來生常得往來人惠及

十受結受戒清淨心神不以婚娶棲山高上君曰來生得道無為

右此名十篇陽功不入陰數昔高真上仙皆以行陰功陰德不比十行所為昔仙祖聖君殷周之朝三為柱史四為宰輔事六十四天子七百五十一年而西過關往胡國按傳云有妻八十四人有子二百四人內傳云云化

胡王為佛仙後上昇為太平金闕帝晨後聖玄元上道君繼代而行陰功積而為陰德善教無為之道不假棲止山林之人久久高上過去今身來生受善報不失

金鎖流珠引卷之十九

金鎖流珠引卷之二十

言十

六甲七星步躡為國戰賊救度災厄符法

老君曰七星六甲之子也女子七人也或曾為皇后皇妃婦女等各衣花履起自五姓六

甲之後盤古之初即有七星見為天人所見此即是元始之號化大道之始生乎浮天回轉於一日一夜周天指地度數俱足謂之七星主十天萬民之死籍又主生人疾厄災

衰禍害殺滅鬼神乃前聖大道君所主部使也服以六甲符之功合而使之六甲是七星之父母故服六甲符者國極部使七星也昔太上老君服之長生部使七星隨手所使又施存李登孟先李夫人西王母麻姑王方平

無不效五行六甲即使此斗得仙也緣此斗主殺陰官所畏鬼神受使不肯此斗使者所手指之即死謂天關指處皆有死損故上聖使令一日一夜一周天過也及配隨衣著故流珠謂之配衣昔上古大仙修行不祭醮此